



Мэбета вадава" ила' панан' етри' мэква"!

НЯРЪЯНА

НЭРМ




№ 42 (5212)
2024 по'
октябрь иры'
19 яля

СУББОТА

ГАЗЕТА 1931 ПО'
АПРЕЛЬ ИРЫ' ЮКАД ВАТА
ХАСАВАЮДИМДЕЙ
ЯЛЯХАД НАДИБЕРҢА

СИ" ИВ ЯЛЯХАНА
НОПОЙ' СЕРТАБИВА"

Российская Федерация Ямало-Ненецкий автономный округ



Сидяңг.: Л. Артсева, ҕэдабтавы

Школандо'
ҕарка яля

3

Яндо' тер нидо' юрыбю"

Яханана" сяхаринда маянд' еремы" хибяри" ҕобҕэни" хаор". Сидто' пирпато' ервона" пили" нядаби". Тадҕо" мюсьлава' ёд Саля' яв' мал' няна ҕэбато', сит ҕани' ни" юраңгу". Вымна мюсерп", сэхэн' ерема хубтада яңгу. Таняна мая' ханярид сит ҕате пирҕа. Ханяҕэхэна ниня тосанаханд тарця ҕылека" харто' мяканд' тута".

Хэвы си"ив яляхана Ямальской районхана вымна тиртя ҕано ҕэдалёрҕась. Тикахана ҕэрм' тер" серо тидхалембада" управления манзарана", КМНС «Ямал» движение' ерв, районандо' ҕэвахана мэна табекода вынд'

тэворҕаць. Пыдо' нюрте"э Саля яв' мал' няю' нултаҕаць.

Таняна Тамбей' вымна мюсерта Василий Вануйто' мят' тэворҕаць. Сельбя' няна, вэба' ирыхына Василий маянд' еремысь. Мякандо' явэ тэвормысь. ҕылекадо' мято ҕад"мы, ханодо' тэй"мы, тердо' тэри моё"мыда. Тамальҕана тарця юнм' лэкри' нидонзь вадес". Мят' тер" тарана падро ервха" пад"махадандо' ҕамгэ мянувна нядавыдонзь. Теда' тиртя ҕанохона тирмы" е"эмняндо' тарана ҕамгэдамдо' тэвравыць. Тикы' нямна Валерий Сойкович Худи «Ямал» движение' ҕудандана тарем' мась:

– Пирпана" сяхаринда маянд' ереберта яна" тер етри' нядабина".



Тюку няхана" ҕаврадамда тэвраваць. Тикы' хавна сававна ҕамгэ нянандо' таравам' тасла"махадана" тандая' тяхасовна няд"мадамдо' ҕадимдеңгува". Мяд' еяхав", таретей" нянандо' ненэся тараңгу".

Тиртя ҕанохона ҕэдалёрмандо'

мальҕана тамна ҕоб" тарана серм' тидхалець. Невхы похоч"на, иринана" мальҕана, тандая сававна ненэй ненэцие" илам' тохоламба пывандо' мальҕана тания' учёной" тэвормыць. ҕопойдо' Наталья Котовщикова ҕэвысь. Тикы' нядо' хаңгула"махаданда танияна яңгумысь. Ненэй ненэця" хадамдо' нивэдо' юр". Теда' ҕэдалёрмы нина" пэмбаханда ҕани' нултаҕавыць. Луца' хэхэ' ненадумда"мам' палмыць. Пыда е"эмняна" ёльце ҕарка таром' ха"авравысь. Тамальҕана 1929 похона, 95 по" тыхана Саля' яв' малхана яңгумы. Экспедициядо' Ленинградхад Архангельск' няюмна 1928 похона неняңг" ирыхына ҕэдалавыць. Мале яхана" тэв"махаданда сиңгахана хаңгула яңгумысь.

Тарця тарана серо Ямальской районхана яндо' тер" ед' ерводо' сертаби".

М. Яр' падвы



Сидяңг.: В. Худи, тавы"

Пыхыдадо' лэтраңгу"

Пудана мале сян по" вымна мюсерта" мяк" явэ" тэволюд". Небо' тарем' маянд' еремы" мяд' тер" лекар" мякана юседаць. Сянда я' сармик ҕэванда е"эмня ненэциена" пыхыдадо' лэтра нидо' пирас". Хахаяда ирыхына мюсерта" ненэця" пыхыдадо' лэтравандо' е"эмня хуркари тохолкова ҕадимдемба пяць.

Тазовской районхана яндо' тер" пыхыдадо' лэтравандо' няю' таславы мирбя тэмдаби". ҕэрм' тер" серо тидхалембада отделханандо' тарця тарана ҕавэ тэмдаби". Тикыдо' сидя ю" яля

хэ"мяхад яхандо' тэвраңгудо'. Районхандо' самляңг ю" ларасм' ҕате". Мюняндо' мунм' ҕэдабтамбада няхар" ю" патрон ҕэңгу, сидя нярҕяна якэсавэй ҕапраңго мэта танияңгу", тикы' хавна хуркари муно"лабтамбада ҕавэ ларас' мю' мэңгу".

Ямальской, Тазовской районхана ненэця" пыхыдадо' лэтравандо' няю' вэба' ирыхына тохолкурҕаць. Тарем' мюсерта" маси" мяк" турта" явэкад лэтрэда". Тикахад теневаңгу", ханзер" ҕэсь серо"ҕа.

М.Ярой'
падвы

Падрода" ма"лэйда"

ҕавори' ҕэся" неракоход, есяхад сертавы" ҕэсеты". Тарця" мер' ни" тиворцету". Я' тиңгэвана табор" ҕока. Нув', явна ядэрта" сармикаха"на пэдакабтё пэрҕа". Тикы' сер' е"эмня хусувэй ҕарка хардахана таборо" мэлви сертавы". Тания' ненэця" тэравы табородо' ханла". Теда' Ямалханана" «БумБатл» нюбета проектм' нэвы".

ҕэрм' яна" тер" вудумы" падродо' ма"ламбаңгу". Тад пуна' таборо ма"ламбава' мят' хана тараңгу". Хор" иры' нюртей яляха"на Надымской районхана падродо' мале ханлавыдо'.

Ямалханана" самляңг падро" мандал", таборо" мэлва" тания". Нюдя пэвдей иры' сибимдей яля' ҕэсонд'

«БумБатл» проектм' сянакубцэ мэтадо'.

Саляңгардана" тер" падродо' «ЯмалЭкодом» нюбета мэлван' тэволаңгудо'. Хусувэй яля' ю" часхана пэвсюмбы' си"ив час' ҕэсонд' манзараңгу". Тикахана падаркад ҕамгэм' серта пирмам' ҕадимдембаңгу". Тания' ядэрман' харвана" пыхыдадо' ҕахакуд падыбаңгудо'. Тикы' мэлвахана манэ"манда ҕамгэ" ҕока. Школахана тохолкоди", нюдяко ҕацекеы" е"эмня хуркари" сянакубц сертабаңгу". Харад" тер" ненэця" нюто' ня" ма"лавы ҕаворидо' няндо' тэволаңгудо'.

Р. Окотэтто'
падвы

Падвыдо’ ваде”мы”

**Хор” иры’ юкад вата сам-
лянзимдей яляхана тодо”
тэнз” ненэцие” ед’ тасла-
вы толаңгулава хардахана
округна” тер” паднана”
ненэця” ма”люрҕаць.
Поңганандо’ ҕа”и” похот
паднана”, тандая’ падна
пэвы” мэць.**



Сидяңг: М.Яр тэдгавы



вадан’ ҕамгэдики
тидхалембавам’
мэне:

тер нями
яңгусь. Тамальҕана
пуня’ ҕоб” нидамзъ
ҕа”, етри’ нерняри’
ҕадамзъ. Мань
тарем’ тасламбив,
паднана сер” ёльце
тоенана манзая, сава

Пэвсюмб’няна, манзара”манапуд
нина” иле”ми намдуванзъ хаяваць.
Пон’ нивы” манэпавы” няха”на”
ҕули” маймбиваць. Тороватвава”
мале”мяхадана” сыңгарёсъялмава”,
мал’ ҕамдёрциена” ни” ҕамдына”.
Пуна лахарёмдо’ минре пя”. Ху-
сувэй паднана лахана, ханзер”
падна пэвамда няби ҕамгэ’ нямна
паднавамда, тад’ нерня’ хурка серо
пэвамда ваде”ҕа.

Нерня’ вадамда юнета не,
Нядаңгарад’ няд товы Нина Ни-
колаевна Ядне ханадась:

- Ғарка март’ тохолко хэвани
мальҕана хэвханани ҕани ҕэрм’

паднанаҕэ хэва’ е”эмня, сит’ я’ ханя-
рина толабавандо’ е”эмня ҕокавна
тохолко тара. Соява’ мальҕана
ила’ падаркана тарця теневабцо”
яңгу”. Ненэць’ харе” вырамда мэць,
илеванда сер’ тоходана.

Тасу’ я’ тер Надежда Серге-
евна Салиндер харта пыхыдам-
да сюдбалаңэ ваде”ҕада. Нюдя
ҕэдаханда лаханаку, ярабц’ нам-
дормы. Ғадьбьята невхы иле”ми
падарци” вадесо”мам’ сававна
теневада. Теда’ книгахана”ната не-
нэй ненэцие” хэбяха”, тадейбцо”,
хэхэ”, хэбидя я” нямна лахана.
Тикы’ хавна луца’ вадахад ненэй

- Выңгыями си”ми
нядабада, едэй индатами тамбада
то”олха. Та’ мядм’ палпа”ни не-
нэй туми пятабасетыдм’. Неро”
якэндэ’ ҕабт” тэри сава” ҕасеты”,
ныхыми ҕокамдамбасеты”. Мань
ялэхэ” сэдорасетыдм’, ню”ни” ню
ембапасетыдм’. Ғадьбьята пады-
бадани хайна минзеты”. Ғавна
сидна” хибяхарт сабе сававна
ехэрась. Теда’ ҕэрм’ тер” иландо’
хурка ҕэвам’ падвэхэ”нато’ вадець
пир”ҕадо’.

Паднана” мале ҕокаць, вадидо’
мал’ мин”ҕаць, явнандо’ хан”ҕаць.
Поңганандо’ юндэ’ ҕарка нина”
мэць: Зинаида Лонгортова, Та-
тьяна Гостюхина, Геннадий Кель-
чин, Людмила Липатова. Тика-
хад няхар” илебей” нява”: Макар
Окотэтто, Софья Няч, Дмитрий
Кельчин.

Анна Яптик’ падвы

Мяканда товы

**Ява” СВО’ няна лэтрамбада”
ёльцянда тоб” мякандо’ нылана-
ванзъ тосеты”. Тандая’ Надым-
ской район’ няд юнм’ намдава”.
Сибарев Владислав мяканда
товы. Нядаңгардахана тиртя
ҕано” ҕамдолава’ хэвхана сита
мята тер”, тикад тамна ҕани”
харад’ тер” ядабтамбавы”.
Сайнормы нямдо’ манэць ҕули”
маймбавы”.**

Районандо’ ерв’ вадавна Вла-
дислав ныланаванда ямбан’ «от-
пускной сертификат» нубета
падарм’ мэць пирта. Тикым’
няд”мяць лекар” мякана пыхы-
дамда савумдамбаңгу. Культура’
сёбар” серка”на мэңгу.

Небяюда, нисяюда Ерҕяха’
терха’. Ғадьбьята пыда сянхав
яля’ Нядаңгардахана мэван-
да пуд тиртя ҕанохоно мякан-
да тэвавы”. Теда’ иры’ ямбан’
ныланаңгу. Нида нядабаңгу,
нумда сава ҕэбта, нисянда ня”



Сидяңг: Е.Грибова’ ҕэдабавы

поңгади’ мяраңгуху’. Сайноро-
мида саць нида вадес”, ихинанда
вэвараха”, тэри нылана.

Няданда нюдя хасава ҕацеки
няда ҕобтикы сайнорҕа. Степан’
ня’ тодо яхана мэҕаха’. Таня-

на ниди’ нисетыди’ хомбю”.
Пыди’ ҕани” нити” тотрев’
сайноро”ма’ серкана ҕарка таром’
минреҕаха’.

Г. Окотэтто’ падвы

Нерня тасламбада сер”

**Яханана” ява” лэтамба-
ди нядабидо’. Няда тарана
ненэцие” вадимдорҕадо’.
Ханярина ҕэбта ҕод” пыдо’
нямнандо’, мядото’ тер”
нямна етри’ ибедорҕа”.
Тасалко”митэ’ пуд неновна
сава” няд”ма” ҕадиберҕа”.**

Ямална” ҕудандана тас-
салковахана мэсь. Ғобт’
Уральской федеральной
округ” ерв’ ма”лёвыць.
Мал’ ҕобанзер’ сайнормаха-
на мэна” няби мядото’ тер”
хурка няд”ми ня”марпавам’
ваде”мыць. Маня” яна”
ҕэвахана мэнава” интерне-
тувна Санкт-Петербургхад
лаханавы. Яна” серо минрена”
ханзер” нядаңговамдо’, ҕамгэ’
то”олха серо тасламбавамдо’
хэтыць.

Сиддо’ ма”лавы няндэ’ вада
тарця ҕэвы: хусувэй УрФО
яхана нядаңгу”, ҕопой”,
тикы манзаямдо’ тамна
мэйраркабто’ тара. Ненэцие”
серо тасламбада”, обще-
ственной манзаям’ минрена”
ҕопой ныхым’ мэпто’, ху-
сувэй ненэциам’ яңга, мер’
нядабабто’ тикахана тарода
ҕадяңгу. Ява” лэтрамбади”
ня”марпада еси ҕокамдавыдо’.
Ма”ним”, тарем’ нито’ нямна
ни” тосаңгу” – смяян ҕамгэдо’
таняңгу.

Округна” нермбэртя
сайнормахана мэна ненэ-
цие нядабавам’ ҕобтикы
нерня тасламбадаҕэ ва-
де”мэда. Ғокханда мат” ю”
няд”ми” танявам’ хэты. «Маня”
ява” ҕэрм’ яхана
ҕа, ҕадьбьята нядаңгосэйна”
ҕадимдембаба”на” тикым’
сававна хамадамбива”. «Мя-
кандо’ турмандо’ мальҕ-
гана билетато’ мире пуня’
салдамбина”. Тикы’ хавна
ҕацекыто’ ныланавы’ билет
мире ҕани’ салдамбина”», -
ервава” тарця вадам’ мэ”мы.

Ява” лэтрамбади” няби
мядото’ тер” ненэцие” няд”ми
етри’ ҕокамдамбидо’. «Реаби-
литационный сертификат»
нубета сер’ пыхыдадо’ ле-
карабтамба пирҕа”. Та’ 120
ёнаркад 150 ёнар” ҕэсонд’
сертадонзъ. Мяд’ нямна ҕани’
нядабидо’, яңга 500 ёнар’
есям’ мипи”.

Ямална” ханяримна «За-
щитники Отечества» фонд
манзара. Техэ яхана ҕамгэ’
то”олха” ҕамгэри” таравахад
ҕани’ тенева”. Округна” ерв’
вадам’ тэволана СВО’ няна
етри’ мэсь пэрҕа.

Анна Яптикы’ падвы

Школандо' җарка яля

Җыд' харад' тер" хор" иры' юдимдей яля' школандо' соя"ма' ялям' мэ"җаць. Җокханда мале хасава юр" по' ямбан' няхар" ёнаркад вата җацекы" таяна тохолковамдо' ёльцевы". Ханяҗыдо' яна" тиҗгэвна юнета ненэцяҗэ хэвы". Лекар", сёбар", паднана", җарка учёной", тамна җани тарана манзай минрена".

НЕВХЫ ИЛАНДО'

Падаркана школандо' җадиво"ма 1922 поңэ пады. Тамальҗгана Җыд хардаҗэ яланда җопойри пя харад, мале сян ненэй мядиком толёвы". Җацекы тохоламбадаҗэ падарм' тенева-на луца таравы. Ямбка"я толь' тяхана самляҗгри җацекэця" җамдёвы", повнато' яҗгавы". Толь' җопой хэвхана - җули" җамгэхэртм' ехэрана", няби' няюна - хаця тенева". 1934 похона нюдя җацекы" е"эмня школа-интернат җадимы. Ервданда Раиса Павловна Мурашкина җэвы. Юкад вата сиднет җацекэдо' тохолковы. Вы' тер" ненэцяҗгат сяманхат нерденаҗэ Салиндер Засима тохолко пэвы".

Таҗок по" ямбан' школаханандо' җока" юнета" җацекы тохоламбада" манзаравы". Поңганандо' Михаил Иванович Спрычан' нюм' пили" сосеты. Хибярим' хонрабат сава вадари намдаҗгун: «Етри' няна" мэсеты. Урокана" пуд җани' сита няць җамгэхэби сертабасетыва". Ненэй вадавна лахана няцетыва". Җули" инда лата ненэцяҗнз". 1999 похона пыда нюмгананда школамдо' нюмдеведо'. Тюку илаҗгана җацекы" тохоламбада" җахат сер' сава нермбэртядарев' тохолкова' серкана латака"я сехэрым' лекабтамби".

ЕДЭЙ ШКОЛАДО'

Теда' сидя юркад вата тохолкодадо', поңгадандо' мат" ю" интернатхана илена" җацекы". Небянадо', нисянадо' - ты пэртя", ёртя". Нарев' няд товы" җани' таяна".

Сомбовна тохолковандо' е"эмня хусувэй җамгэдо' таяна. «Точка роста» нубета яханандо'



урокадо' пуд ма"люрцеты". Нерняҗы илаҗганандо' тараванда мутры тохоламбасеты".

Җаркамбой" нидо' ненэй манзай сертаба тоходана". Җавар пирембада" ненэйвана хуркари" җавыдота җавар пиремби". Нюдя җацекы тидхалембадаҗэ тохолкода" нюртей, нябимдей классаха"на мэна" нидо' мание", сянкултамбидо', падна, толаҗго тохоламбидо'. «Слесарь-сантехник»җэ тараванда" җобти-кы ненэй илаҗгана мэ"манда теневабцодамдо' хомби". Школа' пуд яҗга падраком' ня"маҗгу", тикаханандо' хурка манзая" тэнзм' ня"амвадо' падвы җэҗгу.




Интернатхана хонё лохото' мюй" нули" сава", хусувэй җацекы харта ва"авда, җаворикута җэсь яда таяна. Тикы' хавна пэвсюмя' няна сянзэ харвабато', яҗга җолаваханандо' җорцеты". Харто' мяканандо' иленарха".

НЕНАДО ЯЛЯХАНАНДО' ҖОБТ' МА"ЛЁВЫ"

Ненадо ялямдо' мэ"манзэ җарка"я актовый зал' мюня ма"лёвы". Валёй нито' е"эмня сава вади мэ"мы". Тикы" - «Юнармия»хана мэна", «Движение первых» серо минрена", «Добро.ру» нядаҗгода", Севастополь' няю' җэдалёрмы",

Нядаҗгардахана Ты пэрти" пирдырмаха"на мэвы", ненэй вадавна җэда олимпиадахана паднавы".

Неноховавна сава нена-думда"ми җока по" ямбан' җацекы тохоламбавы" җарка нидо' ня"амвы". Юлия Икловна Вэлло, Того



Җыд' школа Михаил Иванович Спрычан' нюмам' мэ"җа

Валерий Евгеньевич, Наталья Васильевна - пыдо' нубедо' Җыд' тер" мал' теневадо'.

«Юлия Икловнам' няд"мяць ненэй вадава" тохоламбасетыва". Ныланавана" малҗ-гана сидна" җани' нисеты юрыбю". Тамальҗгана телевизор" тандая' җадимяць. Интернатхана тарця мутрава" яҗгусь. Лаханакодава" манэ"- манзэ мяканда хэсетыва". Җу-ли" сомбовна «Карлик Нос» нубетам' тенедем'. Нухукодрев' сидна" җабтасеты, ёльце савась. Мякананда хар"на" мяканана" мэнарахаваць. Тамна «Суляко» ансамбльва" таясь. Юлия Икловнам' луци нева" Евдокия Владимировна нядабасетыда, баянхана сянкосеты. Тарем' сидяҗэ сидна" сё мэць тохоламбихинзэ. Ненэй вадавна, луца вадавна хыноцетыва". Паской панэраха имбытадва" Салаяҗгардахад «Сёетэй Ямал»' тер" җэдабтавыць. Тикы имбытадо' пон мэйнаць. Валерий Евгеньевич падтаҗгова', черчение' урока"на" минресеты. Ненэй ненэця' җэвамда җули" савуцетыва". Нисяда - Евгений Григорьевич - сайнормы ненэць'. Мято няръяна нумгыкоцяхана ненадумдавэсь. Мал' теневаваць: «Тюку мякана сайнормы ирива" иле». Пионерҗэ нядаҗгованзэ ядэрцетыва", лахана няцетыва". Наталья Васильевна тэнзувнанда луци не, английской вадам' сита няд"мяць тохоламбиваць», - Надежда Хорэли (Пандо) лахана. Пыда школам' җыхы 1995 похона ёльцевэда. Теда' Яр-Салыхана иле, таяна «Доверие» центрхана манзара, җармы ненэцие мание. Сита тотрев' җарка яна" тиҗгэвна Җыдхана тохолковы" җока".

Мань, паднанаҗэ, җобтикы Җыд' школахана тохолкурҗадамзэ. Сидна" тохоламбавына" няна"на" етри' сава" җэсеты". Ихинани хусувэй җамгэм' теневанарахаць. Тарем' пили" җэя, теда' тохолкода" җани' тарем' ибедорҗая"!

Галина Окоэтто' падвы

Маянд' ерембана" – сидна" нядангу"

Хор" иры' тетимдей яля" тигувна ненадо ялява". Сидна" хуркари" тэнз" маянгат, иланганана" тосакатёда серкат лэтамбада" нина" яля. Луца вадавна - «День гражданской обороны». Ненэй ненэциена" поугана тарця манзаям' минренава" һани' һока. Е"эмняндо' таславы яляндо' ед' нядно' сямянхат сава вади мэ"һава".

«Ямалспас» тер" минрена манзаядо' саць тоенарка. Пыдо' һамгэри вэва нумгана лэты", һодь" маянд' еремда ненэця' нямна намдабато', таминдо' паромба санаңга". Ханяңэхэ"на тэвадана" ёдо' сехэрэсяда явна ханаць пэрца". Һанихи"на я' понд' еремы, хардан', тамна ханяри буранахана һэдалёди, хадхана, сисьда пэдар' поугана ёхоборти тецьда', синё' помна пюрцетыдо', нядабасетыдо'. Неновна пилотархад' һоб" яңгосеты. Саць һаха" хэсь тарабта тиртя һанодо', мерета мотор һанодо' һани' хамэдэсеты". Я' нимня, нум' нямна, и"мна тосеты". Вынд', ты пэртяха", нядэнаха" тэворцеты". Ненэця" сяхаринда нядно' спутниковой телефонувна лаханасеты".

ЯЛЯ' ЯМБАН' МАНЗАЯМДО' ВАДЕ"МЫ"

Сидна" маянгат һэдабада" «Ямалспас» тер", парананам' хабтабада", лекар" тандаярка манзаяндо' нямна лаханаць. Газетава" серта"ма яля' пэвсюма' няна «Геолог» нубета харад' хэ-



вувна ядэсумбиваць. Ненэця" ёльце хамекуць. Теда' мэсь хуняңы хэбидя яляхандо' һамгэридо' хамэдамбаваыдонзъ. Хуняна яля' ерky һоро"ма' пуд манзара нята няни ня' яңор" тикавна ядэрһанинзъ. Манэ"лабтаңэ хуркари һамгэри тавыць. Ненэця" сюдбяко машина" мю', палатка" мю' туюгаць, ханяримна, таяримна хонаркуць.

- Тюку машина мутрата, вынд' тэвхартаб", мунона" ханяри тэворца", связьва", интернетва" сяхаринда таянһаха'. Харвабта һопой ненэць' Саляңгардахана

манзара, няби хэвняна һаха"намэя, муноди' һобт' тэваңгуд". Тамна һанива" ненэй илесь' мя"лаха, манзаранина" ныланава' е"эмня таславы. Тикы' хавна һарка ервадана" тарана няна" яңга машинада тая, - һопой луца тарем' лаханась.

Палатка" мюня манэ"манда һани' һокась: «Санитарно-обмывочный пункт», «Пост радиационного и химического наблюдения», «Пункт первой медицинской помощи». Нюртейм' не ваде"һадасть:

- Һамгэри тикы радиациясавэй яхана манзара"мандо' пуд ненэця" мэ"мы" имбытадодо' мал' екабидо', пуна мата". Маглава' ядо' мале сян лохосавэй. Мат"махадандо' нядно' едэй ембдыро мипи". Вэвако һамгэри палабтавы" паныдо' халтахая һобтики нянандо' ханабидо'. Яңга падарт' пыхыдадо' падыбидо', пу-



Сидяңг': А. Яптик' тадтавы"

на тарем' падкудо' хомбидо'. Таминда туюкон' нерня' туюнга серо"һа, пуна мале лекараха" ненэць' ханда.

Тамна' тяхакуна һэда мяд' мюня лекар" мэвыць. Хой' няна хаңгулана таянб", сямян һамгэмдо' ханахая, лакри' тиртя һанохона вынд' тись пир"һадо'.

Ты" лекар" манзая' нямна һани' намдаваць. «Противогаз» серыба хорпиваць, серыбаб" нензел" һэвыць. Маркана илена ненэця" теневабцодо' һокамдэйдо'. Теда' няд"ма таралпата хибя сиддо' нядаванзъ товахад теневаңгу".

Анна Яптик' падвы

Хэбидя ялэ" нямна

Округна" һэвахана мэна" ервона" манзаямдо' тидхалемба етри' ма"люрцеты". Тарана серо тасламбасеты". Тюку ма"лэваханандо' хэбидя ялэ сяха' һэвам' ваде"мы". Тандая' едэй хэхэ' мяд' хэвхы хардо, тамна һани һавэ сертава' нямна ибедормы". Ямалханана" 2025 по һавхы ява" лэтрамбаваы ненэциена" по һэңгу.

Һарка яна" тигувана тюку по' мяд' терсавэй ненэцие", Ямалханана" һацеки" няю' һэда пось. Вэба' иры' няхаромдэй ныланава' ялям' ню һока мяд' тер" хибидя яляңэ сертавэдо'. Тикы няха"на" сава вади вадеатава". Мядонзэй, хуркари сава һамгэри мипаңгодакы". Округна" һэвахана мэна ервава" ерво" ня тарем' таславэдо'.

Тад тованда похона һарка яна" тигувана Великой Отечественной война' Победа' пом' мэтава". Тикы я"авлада сер" нэ"махад сиднет ю" по хая.

Тамна Ямална" соя"ма' яля һэңгу, хасава юр" самляңг поданда ханда. Тамна һани" хибидя ялэ мэтава". Һавхы похо"на ява" лэтрамбаваына", теда' ява" лэтрамбадина" һоб тарем' нина" юрыбаңгу". Пыдо е"эмняндо' хуркари концерт", мероприятия" таянһу".

Хор" ирыхына Саленгардаханана" едэй мивы хэхэ' мяд' хэвхана музейм', церковной лавкам', һаволовам' сертаңгу". Һарка пэвдей ирыхына һацеки" тохолкулавам' нэңгу". Сидя юр" һацеки" таяна тохолкода".

Р. Окоэтто' падвы

Харто' вадавнандо' падна"

Нэर्म' яна" тигувна харто' вадавнандо' паднанина" таян". Малé таянкую похона тарця нина" е"эмня һоб" тарана серм' һадимдець. Пыдо' пирдырмахана мэсь пирһадо'. Тюку по' һани' теневабцудо' һадимдеңгу". Тикандо' е"эмня есям' нэкальц пирца". Пирдырмадо' невхы похона ва"лэй нэर्म' тер" иринана" нубе мэ"һа. Ненэй ненэця" Леонид Лапцуй' нювм' мэта премиям' е"эйта", хаби" Проконий Салтыков', тасу' хаби" – Сергей Ириков' нюв' ет' һэда премиям' ня"маңгу".

Ямалханана" тикы сер' е"эмня ненэй, хаби, селькупской вадавна паднани" конкурс һэңгу. Падвыдо' газетаха",

журналха" мэбто' тара. Няхар" һули" саць ва"лэйм' тэраңгу". Пыдо' самляңг ю' ёнар" есям' недвота". Падвы манзаидо' вэба иры' 25 яляхад хор' иры' 13 яля һэсонд' 2024 похона һэдара пиртыдо'.

Нэर्म' тер" серо ня"амбада департаментхана тарана падродо' тюку адресхана ня"маңгудо': dkmns@yanao.ru, 629008, Ямало-Ненецкий автономный округ, г. Салехард, ул. Гаврюшина, д.17. Хонравандандо' таянбта, телефонувна лахана пирһадо': 8(34922) 4-74-80.

Пидтеванда падро туюкоход хомбаңгудо': <https://dkmns.yanao.ru/presscenter/news/241501/>

Солне Һокэй' падвы

Тырада мэбе"на



Сидянт: Ю. Чудинова: галтавы



Нарка яна" тигэвна сита тенева на жока. Юкад вата тет похонанда тикы серм' тохоламба пивэда, сиднет по боксахана пирдыржа. Дарья Салиндер – тыретана ненэй не, тырада мэбе. Ямална" жардавна нани тыретава манзаям' пэртя ненэй не янгу.

Дарья Салиндер Надымской районхана Ныда хардахана соявы. Матдомдей классахана мэванда малянгана мята тер" ня" Надым хардан' тэвавыд", таяна иле таславэдо'. Школахана тохолкованда малянгана не няда боксахана сянакосетавы. Сяхаңгав' нянда нямгэм' пэрмам' манэ"манзэ таславы. Таяна тыретани маниеванда сер', нобтарем' боксм'

тохоламба пивэда. Нянанда нензел" то"олха нэвы. Тамалянгана сиднетюмдей классахана тохолковы. Тад пуна таретавам' тохоламба тидпой пивэда. Нерцобт' фигурной катанием' харвабтавы, небяда гимнастикам' пэрманзэ миман харвавэда. Тарем' нивы ерев", пода жокарка нэвы", сита падарт' нивы пад".

ПЫХЫДМ' МЭЙРАМБАВА

Тарця манзаям' пэртяхана етри' ныхыдо' жокамдамба манзабтё тара. Пирдырмаха" хэванда нерня няхар" тренировкада жа, хамекованда ёльцяңгана, нобтарем' ида ни хасена". Имда хаселабтамба небяхананда телефонувна

лахана, интернет' мутра' сер' навхы пирдыромида мание. Саць тоенарканы серм' пиванда нерня Дарья' вадавна хонёва серта янгу. Чемпионатан' хамекованда ёльцяңгана ида ни таңг". Пирдырманда нерня сита тенева на" Ямална" тер" интернет' мутра' сер' сава вадидабтамби". Тарем' паднана" ихинянда нули" сава". Маня" ненэй ненэцяңэ сяхаринда нянда нятасетьва". Ямална" тигэвна Дарьям' мание на жока нэсеты.

НЕНАДУМДА" МАДА

Ня"мавы медаляда жока. Нули" саць тара пирдырмахана ненэй ненадумда"мам' Россия' Чемпионатхана ня"мавысь. Тамна савомбовна боксахана тоходаванзэ Уральской федеральной округан' хан"мы. Таяна едэй нэвэманэ"мы, хамедавы. Тамна нани ехэрана ё" ня" тэвормы. Тодо пареңода я" тигэвна минрена турнирхана Сербияхана няхатата саць пирмэда. Тикы' хавна ненэй медальм' ня"амвы. Нарка яна" пирдырти"

министерство е"эмнанда «мастер спорта» нюомам' недво"мы. Пыда жарка ненадо Кубокм' ня"мавы.

Дарья Салиндер нули" саць пэдава не. Тикы манзаямда пиржада. Теневабцуда манэ"лабтаванзэ Ямална" школаха" тэворжа. Сэбарнэ тохолкода жацекэхэ" ханзер" тыреторць таретам' нядимдембасеты. Небо' Саляңгардахана илебей ненэцие" мэлван' турңась. Иланда нямна лаханась, тэравы манзаямда нани вадэ"надась. Нянда инзеленаха" сава тидхалёда вадидэ"нась.

Тюку по' вэба' ирыхына Яр-Салыхана илебей ненэцие" форумхана мэсь. Саляңгардахад товэңэ мале жокаваць. Едэй серо тасламбиваць, тохолкуваць. Таяна пыхыдана" высылпа зарядкам' сертабасетьва". Ноб хубта' няна" Дарья тохолковам' нядимдембись. Сита сер' тыретормам' тохоламбиваць. Тикы манзая, ехэрахаваб", нули" тоена. Пирдалева' пир' ни жа".

Саць пэдава нява" тамна нерня нэя, варемда мэ"ңая. Пыда Ямална" пирамдэва нэ" нив". Ненэй ненэцяңэ тэнзава" нерня пэржа.

Руфина Окотэтто' падвы

«Нэर्म' сей» концерт нэвы

Санкт-Петербург маркана илена харад' тер" Нэर्म' яна" сё намдавы". Ямал' няд таян' сёётэй нина" нэдалэрьмы".

Ненэй ненэцие", хаби", тасу' хаби", нысми" сё" Ямал' тер" илам' вадэ"мы". Инзелена" мядондадрев' Нэर्म' яна" тигэвна нэдалэртараха" нэвы".

Е"эмнандо' сёхэнато', тарабцохонато' илма" нядимдембавы" – «Сёётэй Ямал» ансамбльхана хынота" не". Пыдо' тэри ни" хынос", ханяңэхэна тамна нув' сармик", я' сармик" муно нядимдесеты". Тэдрев' туроць, мерцядарев' выварць, сюларцякодарев' муноць нани' пиржадо'. Тикыдо' «варган» нубета сянаком' мэць мунолабтамбидо'.

Ненадовна Екатерина Салиндер ёльце юнета сёётэй некоця нобтики таяна хыно"мы. Пыда сита то"олха яна" жардавна янгу. Сяхаңгарт' жока ненэцие" поңгана нир ёт", хибярихит ненадо. Сцена' ниня мэбата хуркариңэ хэсеты. Тамна ханяңэхэна нир тумдаңгу". Ненэй

некоцядрев' сём' мэпата, сёкоцяда тэри хайнаңгу. Ихинанд мякананда мядондан. Пыда нани' мэта сёхонанда некоця' мирбяхана мята тер' саву"ңа, тэхэната мэна вэсакомда нэте, нюкцида сянакултамби, хонабтамбида. Тад пар-некодрев' сём' ханабата, ненэся" невхы лаханаком' манэта то"олхан нэңгун. Сянакова' ялян' яна" тер" ты пэрти, ёрти хынабтамба нули" ненэйвана парнекорха: «Мэбетов" хасавов", сядотов хасавов", тодо яхат ма"лэвы" ханянов хаядов"? Тальцю" тода"! Мерэй", нобэй" тода"!» Тарем' сита тотрев' сём' мэтам' тамна нидамзэ манэс". Нули" пиржада. Ненэся" невхы лаханакоход лаكري' нядимэрха.

Нарка харад' тер" хавна сёётэй ненэцие манэ"манзэ таяна тохолкода" илебей ненэця" товы". Хынота", тарана" нито' ед' сава вадидэ"мы". Поңганандо' тенева на нидо' ховы", нобкана тадтаңгурмы". Ямал' няд товы няхато' маймбавы".

Г. Кинчина' падвы

ОБЪЯВЛЕНИЕ

СЛУЖБА
ПО КОНТРАКТУ
В ВС РФ

ПОЛНАЯ ИНФОРМАЦИЯ ПО ТЕЛЕФОНУ

8(902)81-6-11-90

ЗВОНОК ПО РОССИИ БЕСПЛАТНО

ВРЕМЯ ДЛЯ
ВАЖНЫХ РЕШЕНИЙ!

КОНТРАКТНАЯ СЛУЖБА

5 000 000 Р

ЕДИНОВРЕМЕННАЯ ВЫПЛАТА

2 300 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:

- ✓ ОПЕРАТОРОВ БЕСПИЛОТНЫХ ЛЕТАТЕЛЬНЫХ АППАРАТОВ
- ✓ ТАКТИЧЕСКАЯ БОЕВАЯ
- ✓ МЕДИЦИНСКАЯ ПОДГОТОВКА

1 900 000 Р

ЕДИНОВРЕМЕННО ОТ РЕГИОНА

ДО 120 000 Р

СЕРТИФИКАТ НА РЕАБИЛИТАЦИЮ

400 000 Р

МИНИСТЕРСТВО ОБОРОНЫ

ЗАКЛЮЧЕНИЕ ВОЕННОГО СОЦИАЛЬНОГО КОНТРАКТА

ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ
ОТ 210 Т.Р

СЕРЖАНТ
ОТ 232 Т.Р

ПРАПОРЩИК
ОТ 292 Т.Р



Чуки похона Пюл дяхана җаймы община” җопт кадяш”, җокна манслаш чепъаш”. Җопт каймахатоҗ сельхозпредприятимтоҗ «Пуровская» общинамана нимчиҗатонъш. Четаҗ таньняна няхад дёнал җок мансланатуҗ. Каймы похона калитана” неша” җопшел җуп дёнадат вата тонн” кади”, шича дю” тонн” җочи” планыхинтоҗ ми”җаш”. Чуки похона куше мансламамуҗ, дety пуҗ җайвахана хомана тасданҗатуҗ. Калитана” таҗичохона, хыдаҗ калиташту”. Мансдятаҗ дёльше шеэмҗа. Планамтуҗ тэвдамантуҗ мэт калитана” неша” кулкади” вайма нумкна манслашту”. Чикиҗ камна Пюл дяхана җайта Пуровская общинахана мансланна” кади” ватапи”. Тальша мансдям Калпюдьяна миндеҗатуҗ. Выҗкна токушахана җайта калитуҗ мякна шумпак, вичильша, шамга, падыха ёҗальша каля” тадя”. Хэлаку” калитуҗ камна форель ватапи”. Тальша калитоҗ пу” тахана җоктымпитуҗ. Хомана җамлампуота каля” мед вачёшту”. Чики кэмчаки” калитоҗ Талдахана җайта лапкахат мичилпитуҗ. Калитана” катамайтутуҗ калитуҗ” пель предприятин’ «Пур-рыба» миштутуҗ. Таньняна мансланна” җопшелдюдкат вата матдю” тэмс җамал: хылдутама”, кастама”, тудамы”, вакуумный’ упаковкан пытама”, пресервы”, консервы - тальша кади” шедташту”. Пытоҗ пон мансдятаҗ ништу дику. Җуп похона хампляҗк дёнал тонна кади” мимчешту”.

Ты” паделъш мансланна” җупчики мансдятаҗ шеэмҗа. Шича совхозхана ё «Верхне-Пуровский», «Пуровский» шанат дёнал ты” җисы” падиля”. Чуки дилхана выҗкна, петадахана ты” паделъш манслама неньшад ниҗа. Ты” шехэ” чидюма”, чикиҗ камна выҗ, петада чупей паласуй, кампулкат панты. Дёҗомантуҗ тай”хана тытуҗ писамэй лэтпёштутуҗ. Четаҗ



Хомана манслаҗа”

Чуки дилихина налка дьяна тамна сельский’ хозяйствахана манслани” дет тондюта дьям мэҗаш”. Пуровский районхана ты” паделъш, калиташ, халаку”, кади” ватапёш няхад җалка сельхозпредприятия манслаҗа: община «Пуровская», шича совхоз’ «Верхне-Пуровский», «Пуровский». Таньняна мансланна” җукадёмутуҗ Җэдм’ чел” неша”. Чики предприятин’ камна Талдахана каляхат кулкади” җамлу” шедтапёта «Пур-рыба» тадя. Чикиҗ камна выҗкна, петадахана дилина” куки” неша” калытуҗ тытуҗ паделъш манслаҗа”.

дяди” тахана маньденахантуҗ җука тэтоҗ ништу дёҗо”. Талям мансдямтуҗ хомана миндеҗатуҗ, тытуҗ җисы” хоматапатт камаштут. Кындмаҗ дёльшкана тэхэна мансланна” шанат дюл” тонна җамши” планыхитоҗ мишту”.

Чуки похона җупчики җука ты” кылданаҗа”. Ты” падилмаҗ, калитамаҗ камна сельский’ хозяйствахана мансланна” хыльмику” ватапи”. Талдахана җайта «Верхне-Пуровский» совхоз’хана чет дёнал җок тальша

халакутуҗ. Таньняна мансланна маньшту: чешча дян вачумы” хыльмик” коптуҗ мыдю”, талитуҗ дёдя”. Халакутуҗ коп” тышиняҗ канаштутуҗ, таньдет тасламы ярмаркахана милташтутуҗ. Кадюмы” копахатоҗ пушно-меховой’ мастерскойхана мансланна” кулкади” мелят, җамыку” хайташту. Паны”, шомя”, җопа” ёҗальш шедташту”. Чикитоҗ лапкахантуҗ миштутуҗ.

Сельский’ хозяйстван тондюта совхозхана, общинахана мансланна” шеэмҗа җайватам падиля”. Калытуҗ нэхэханатуҗ комытуҗ җамдыхина: ты җамсахана, каляхана, җочахана шаҗкмян тэмс нешади” җамдымпи”. Пытуҗ хомана мансланахантуҗ калтыхина” җайта лапкахана” җамса”, каля”, җоча” пон тадяҗашту”. Чикиҗ камна ты” падилта”, калитана неша” ёвыҗкай дилм лэтпёта”. Пытуҗ выҗкна дилеш мансланахантуҗ шиниҗкуй нидинана”, катанана” миндемы дил ни дёҗот. Талям маня” праздникханантуҗ нятуҗ маман ха’җама”: хомана дилиҗата”, нинюта канэлышту”, мансдямта пон хомана миндеҗата”.

Андрей Пяк патмы



Маренуй ябто

Сюнраха нув
Нув ёрхана
Маренуй ябто
Мятрев' миҗа"

Маренуй ябто
Тодо' хэвавы"
Ѓарка вы' ямдо'
Ниндя севолмы"

Хубта яндо' пойм'
Тэвадалвы".
Нита нердена
Сеҗгры ябто

Ѓани ябто нида"
Пунда вэтавы.
Маренуй ябто
Ни ёхоборт",

Сеҗгры ябтом'
Недахавабато',
Минзь яндо' нимня
Ѓэлом' тарпаҗгуд".

Маренуй ябто
Маниенахана,
Тирсяда нув,
Нув ёрхана

Салебадрев'
Ит юнараха
—Лык, лык, лык—
Ябто мумнандо'

Сяркадарманондо'
Нита нердена
Сеҗгры ябто
Ѓяръяна яни
Пыдикаптлаха.

Иван Юганпелик'
падвы

Ѓэрёй нувона" то"



Тандая' я' ний җарханда
тодо җолепяха"на падтавы'
то"олхась. Ненэця"
җодядамдо' ма"ламба
варемдо' мэ"җаць. Ханяҗы"
тэри нылаванзь пэдари"
някумна ядэрҗаць. Вэба'
иры' ямбан' тарем' илеваць.
Тарем' җод" җэрёй нувона"
янамбовна сидна" тэва".

Ханяҗэхэна я' нийм' синё
тондасетыда. Я"авлада мер-
ця сарёсавэй" ладсетыда. Хо",
нерка", паё", хусувэй" я' ний"
пякоця" вэбасипой сибёрахаҗэ
хаяць. Нув' сармик" иба я' няю'
мюсенархаць. Выҗгана, пэда-
рахана илена ненэця" пудандо'
тёресеты": «Мер', мерэй, ме-

реҗадов"! Сибиляҗгэй мар' хобов
нерданов лехэбтаей"! Яйдавов,
пукдавов!»

Нядаҗгарад' тер" вадёдана
нюдо' тохоламба җобтики не-
вхы иламдо' тензетембавы".
Хор" иры' самлянзимдей яля'
җарка хардандо' хэвхы пэ-
даран' ядэрмы". Ѓацекэхэто'
выҗгы илма" вадемы". Тэри
помнандо' иландо' нямна ла-
ханакурмы". Мюсерта" нидо'
тензетембавы".

Тарем' ненэцие җобт' няс-
ламбадаҗэ «Ямал-нюна" я!»
Ассоциация' тер" тара". Сидто'
нядаба Культура' мякад сёетэй
нидо' турмы".

Г. Окоэтто' падвы



Сидяҗг. Г. Окоэтто' җэдабтавы



Сидяҗг. М. Окоэтто' таavy

Мань якоцяханани

Мань якоцяханани мядикочьями тая,
неру якако' нявхана паллы.
Хоё" маха' ниня җодякодрев'
тэкоцини тахабэй",
җавкини хадырҗа",
нядакоцям' җаворҗа".

Яха' нявхана поҗгацями пяды,
хубтахана тая' хэб"нани
юдерцяком' ватаҗгудм'.
Вэнякоцями нянани ядэрта,
тэвацяда паллаҗгу, няни несьдаҗгу.
Нерокоця" помна хандани',
лэмороко юркабтаҗгуни',
җа"җо' пидякоцям' хоҗгуни'.
Хой' ни' танаҗгуни',
лахацие" поҗгана мараҗгацям'
манэ"тани',
няръяна мараҗгаця — яля' сэв юдавы.
Лынзермяко җод" вэбацита моёпаҗгу,
мандараха җэҗгу нив":
«Няни сыркар", мань сядоҗадм'».

Тэкоцини танабаб"ни,

суюкоця" сянэрта",
махаёдо' вэнпаҗгу",
нявота ханта".
Мят' тэвмахадани сяйндава",
лаханакуртава".
Мяни тер" мал" тьякана мэҗгу",
мамами, җацями,
хасава някоцини, не някоцяхаюни'.
Нюдякоцина" пасанаҗгу",
җаркамбой" хаця вырэйдаҗгу",
тарем' җэхэртабта, нива" тэдорт",
җопой ту' терва", җопой сей' пелява".

Пуна ёрколаҗгува",
тет падвым' подертадм',
мерця' җабт' ни' җэдалаҗгув",
я"амна сыртадм', хусувэй хой',
хусувэй лабта, нум' лахациеко,
неро" подкоця, ид' вархы ямб нувуцяко,
мал харни җамгэни,
яханани мэдм' — якоцями мэнедм'.

Макар Окоэтто'
падвы

Ҷарка я’ юн <

Хынокад не нида тохоламбись

Няръяна маркана сё мэта ненэця” этнокультурной центр’ мякана няхар” яля’ ямбан’ сё мэць тоходанаць. Пыдо’ округна” нэсыхыт товы”. Искатель нэсыхыд, Краснойхад, Варандейхад, тамна нани хардахат ансамбль’ тер”, хынокад не” тохолкованзь округна” еркы март’ ма”льць.

Хусувэй сидя по ваерась яханана” «Сава сё» конкурс нэсеты. Тикамдо’ сидя юд по няю’ минредо’. Тарця конкурсан’ хамекова’ сер’ тамбир” семинарм’ хамедаць. Сидто’ Татьяна Нюдихасововна Лар – Ямал няд товы юнета нява” тохоламбись.

Няхар” яля’ сер’ Ямалкад товы, сё мэць я”авлада, харта” сё” падыбада не Няръяна маркана манзарась. Татьяна Нюдихасововна – ненэцие” невхы сё тенева-на. Ныхы сэвта сыло”махад хыно”жа. Ямал’ выңгана нисяда Нюдихасава Худи хыноць тенева-на ненэць нэвысь, невхы хынабц, ярабц няданда намдормыда. Татьянам’ хайнана сё мэць тохоловазда. Теда’ хынокад Худейм’ ханярина теневадо’, харта сёда падыби, сеянда явом’ хусувэй сёхота х”аврамбида. Хари” янда, нэрм’ тер” нита нямна лахана. Теневабцомда вадёдана илебей няхата тэврамбида.

Ҷока по” ямбан’ ненэцие” хынабц, ярабц, сюдбабц, тикахад сёсавэй” вадако, лаханако ма”ламби. Хусувэй ма”лавыда нобт’ пэръяда, падарт’ падыбида.

ТАТЬЯНА ЛАР’ ТАБЕКО”

Ваеравы сян яля’ ямбан’ хынокад не Няръяна маркана манзарась. Маня” яханана” сётэй няхата теневабцода ваде”манзь тэворнэсь. Ненэй ненэцяңг’ невхы ил’ ватом’ манэ”лабтамбись, ныхы похот няна” тэвавы хынабц мэ”нэсь. «Нэрм’ яхана илена” хибяри” сё” мун” нани” тэнз” ненэцяңгат яңга”, маня” хар”на” мунона” таня”. Хыно”махана тасламба тара», – Татьяна Нюдихасововна мась.

Ҷадьбята тохолковахана тарця сер’ ням-



на яңга лаханась. Хыно”мандо’ малъңгана манэ”лабтамбасетыда, ханзер” хурка сём’ мэць тара. Ҷавнанда ненэця” янамбовна сёдо’ мэцетыдо’, Ҷаркавна нивы” хынос”. Теда’ нани’ сер’ миңа”. Ҷаркавна, мандалнэ хынота” Ҷадимья”. Тарем’ хыно”махана харто’ ватодо’ Ҷадибернэ”. Тикым’ нани’ тенева серо”жа.

Сидя яля’ ямбан’ сертавэдо’ Ҷокась, едэй сё’ саирм’ ханзер” минревам’ нина” намдаць. Хыно”нэць, манзаито’ нямна лаханаць. Тикы’ пуд си”ив пудана яляхана Ҷамгэн’ тоходанавамдо’ манэ”лабтамбидонзь. Хусувэдо’ харта сёмда мэ”нэсь, Ҷобкана мэ”мы сёдо’ манэ”лабтаць. Татьяна Лар харта падвы сёда мэ”нэсь. Хыно”ма’ ёльцяңгана ханзер” индм’ нэкалпась серо”жа, тикы’ нямна тохолковам’ манэ”лабтась. Таняна мэвэңэ мал’ тоходанаваць.

Хусувэй хибяри тохолкованда ед’ ненадо падарм’ ня”мась. Татьяна Нюдихасововна Лар тоходанаваы няхатата ихид минда вади намдась.

Ю. Талеева’ падвы



Сидяңг’ Ю. Талеева’ тадтавы”

Хобцоко хода”

«Вано»
Разговорный
ненецкий клуб



Я=Е

Ё=Е



Н



Д=Т



Т=Д



Х=К



Хобцо” Т.Сэротэтто’ сертавы”

| | | | | |
|--|--|--|---|--|
| Газета «Няръяна НЭРМ» | Главный редактор Яр Марина Тэтакучевна | ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна | № 42 Подписано в печать 17.10.2024 г. Вышла в свет 19.10.2024 г. По графику: 16.00, фактически: 16.00. | ПОДПИСНЫЕ ИНДЕКСЫ: на год – ПА701, на полугодие – ПР562. |
| Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708). | | | Тираж 3616 экз. Заказ № 1556 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А | Цена годовой подписки 166 руб. 84 коп. |
| Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708) | | | Заказ № 1556/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). | В розницу не распространяется. |
| Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559 | | | Газета выходит по субботам. | Адрес редакции: 629003, ЯНАО, г.Салехард, мкр. Богдана Кнунынца, д1, каб. 106 тел. (349 22) 4-53-32 |
| | | | | E-mail: nn@yamal-media.ru |